



Posbus 7113, Newtonpark, 6055
Telefoon (041) 3651233
h/v Willetstraat en 4de Laan, Newtonpark, 6045
E-pos: admin@lnpark.co.za /

'n Blink toekoms begin hier!

NUUSBRIEF 24

26 Julie 2024

UIT DIE KANTOOR

Geagte Ouers

LAERSKOOL NEWTONPARK (AFLAAI-AREA)

Ons wil tog 'n vriendelike versoek aan ouers rig om soggens die parkeerareas langs die skool as aflaa- en rysones te hanteer. Elke ouer wil graag sy/haar kind veilig aflaa en ons kan dit slegs doen as ons mekaar help deur ons kinders so spoedig moontlik af te laai, sodat iemand anders ook van die aflaa-areas gebruik kan maak.

GESINSKAMP 30 AUGUSTUS – 1 SEPTEMBER 2024

Ons is baie opgewonde oor die gesinskamp wat by Willows gaan plaasvind. 'n Omsendbrief met al die besonderhede rakende die kamp is verlede week aan u deurgestuur. **Ons het nog om en by 20 staanplekke beskikbaar. Soos u dan inbetaal volgens die voorskrifte op die omsendbrief, kan u 'n staanplek by Mev. Laas kom kies.**

BELANGRIKE DOKUMENTE VIR BESTAANDE- EN NUWE OUERS

Alle nuusbriewe, buitemuurse roosters, kalender, klerewinkel se pryslyste/bestelvorm, aansoekvorms en nasorginligting word nou op ons skool se webwerf geplaas. Nuusbriewe word ook elke Vrydag op ons skool se Facebook-blad geplaas. Volg hierdie skakels vir voorgenoemde:

Webwerf: www.laerskoolnewtonpark.co.za

Facebook-blad: www.facebook.com/LaerskoolNewtonpark

PLASING VAN HUISWERK

Soos u reeds weet, het ons skool wegbeweeg van die D6-toep. Huiswerk sal nou op die volgende **TWEE maniere** aan die ouers beskikbaar gestel word sodat dit van beide u selfoon en rekenaar toeganklik is.

SELFOON - SMS: 'n SMS met 'n aanhangsel word Maandae aan ouers gestuur. Maak dus seker dat die skool u korrekte selfoonnommer het.

REKENAAR - Google Drive: Huiswerk vir alle grade sal aflaaibaar wees vanaf 'n Google-Drive rekening. Volg hierdie skakel om toegang tot hierdie lêers te kry:

https://drive.google.com/drive/folders/1Js5mo6zV_heYEpqZroY6b68XWa3pUMOt?usp=sharing

Hierdie skakel bly deur die loop van die jaar dieselfde, so u kan weekliks hierdie skakel volg om die huiswerk te bekom.

Vir meer inligting rakende die gebruik van Google Drive en hoe om hierdie lêers te bekom, volg gerus die volgende skakel:

https://www.youtube.com/watch?v=4i4BP0vgK-c&ab_channel=Mr.Vacca

AFKNOUERY

Ons is bekommerd oor die voorkoms van afknouery wat tydens skoolure, pouses en buite klassituasies tussen leerlinge (seuns en meisies) plaasvind.

Ons het waargeneem dat LEERLINGE MEKAAR, VERAL fisies of verbaal afknou. Wat ook al die oorsake mag wees, dit bly 'n onaanvaarbare vorm van gedrag en ons wil nie daarvoor swyg of wegvlug nie.

Daarom wil ons graag die probleem aanspreek. Ons wil leerlinge wat ander teiken, sowel as die lydende partye, probeer help.

Om afknouery uit te roei, moet ons die volgende onmiddellike stappe volg:

- Gesels met u kind oor insidente wat plaasvind.
- Onthou: 'n storie het altyd twee kante.
- Kry die ander leerling wat in die insident betrokke is, se naam.
- **Insidente moet binne 24 uur aangemeld word, sodat dit onmiddellike aandag kan geniet.**
- Indien 'n insident herhaal word, rapporteer dit aan die klasonderwyser (minder ernstig) of skoolhoof (meer ernstig); verkieslik op skrif.
- Indien die insident weer voorkom **en elke keer daarna**, kontak die skoolhoof direk. Die skoolhoof sal dan moontlike wyses van hantering met u bespreek.

Afknouery kan en mag nooit deel van Newtonpark-leerlinge se opvoeding word nie. By voorbaat dankie dat u as ouers vir ons gaan help om van hierdie probleem ontslae te raak.

ONDERSTEUNERSHEMDE

Ons wil al ons ouers aanmoedig om vir u Laerskool Newtonpark-ondersteunershemde aan te skaf. U kan by ons klerewinkel kom aanpas, dan doen ons bestellings.

FACEBOOK-BLAD: SKOOLKLERE

Die facebook-groep, SKOOLKLERE - Laerskool Newtonpark, bestaan steeds en dit is lekker besig daarop. Maak gerus van die gerief gebruik as u van skoolklere wil ontslae raak wat te klein geword het vir u kinders.

LAERSKOOL NEWTONPARK FACEBOOKBLAD

Besoek gerus ons skool se amptelike facebook-blad, @LaerskoolNewtonpark.co.za, die blad se profielfoto is die skoolwapen. Dis lekker om na foto's te kyk en met ons leerlinge te spog. Bly ook op hoogte met die nuutste gebeure.

TOELATING 2025: GRAAD 2 – 7

Op Dinsdag, 16 Julie 2024 is daar 'n brief in verband met bogenoemde aan elke ouer gestuur. Die personeelvoorsiening van Laerskool Newtonpark is afhanklik van ons jaarlikse inskrywings. Ons versoek u om asb. die skeurstrokie, onderaan daardie brief, te voltooi en onverwyld saam met R900 deposito (per kind) skool toe stuur om sodoende te verseker dat u kind(ers) 'n plek het.

Die bedrag is voor/op 30 September 2024, betaalbaar. Hierdie bedrag is nie-terugbetaalbaar en sal dien as deel van die eerste betaling op u kind(ers) se skoolgelde vir 2025. Sodra die betaling ontvang word, sal u kind(ers) se inskrywing as afgehandel beskou word.

SKOOLGELDE 2024

Die volgende wyses van betaling is beskikbaar: **maandelikse debietorder** oor 10 of 11 maande. (Januarie/Februarie – November en is opbetaalbaar voor/op 30 November 2024. 'n Debietorder kan slegs op 'n tjek-/spaar-/transmissierekening ingestel word.) U mag ook die **skoolgelde EFT**. Ons beskik ook oor 'n **kaartmasjien** by die skool wat u kan gebruik.

Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan fin@lnpark.co.za e-pos.

Alle graad R-gelde is maandeliks vooruitbetaalbaar en nasorggelde is kwartaalliks streng vooruitbetaalbaar. Geen verligting word ten opsigte van hierdie dienste toegestaan nie, aangesien hierdie aktiwiteite deel van die skool se vrywillige program is.

Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

ELEKTRONIESE BETALINGS

Op die verwysing van die inbetaling moet u asseblief die rekeningnommer en u kind se van en naam verskaf. U moet ook die bewys van betaling per e-pos aan fin@lnpark.co.za stuur.

REKENINGNAAM	LAERSKOOL NEWTONPARK
BANK	ABSA
REKENINGNOMMER	1400490089
TAKKODE	632005

GEDAGTE VIR DIE WEEK

Wanneer die lewe jou 'n honderd redes gee om te gaan lê, wys die lewe dat jy tot alles in staat is deur Christus wat jou krag gee. Geniet 'n vreugdevolle dag.



Geniet die naweek saam met jul kinders.

SKOOLHOOF

E-pos: skoolhoof@lnpark.co.za

Tel : 0846935318

ALGEMEEN

BELANGRIKE DATUMS VIR VOLGENDE KWARTAAL:

Die volgende datums moet u asseblief op u kalender aanteken:

- Ma – 29 Julie : Klerewinkel: **07:30 tot 12:00**
Despatch Kunsfees
 Netbal : 0/7A teen Setlaarspark **(t)**
 Netbal : 0/8A teen Setlaarspark **(w)**
 Netbal : 0/12A teen Setlaarspark **(t)**
 Netbal : 0/13A teen Setlaarspark **(w)**
- Di – 30 Julie : Senior Koor : **07:25 tot 08:00**
 Werksafbakening NW/Teg, LO, LV, EBW, KK na kinders
Despatch Kunsfees
 Tennis: Senior A teen Theodor Herzl **(w)**
 Tennis: Senior B teen Clarendonpark **(w)**
 Tennis: Senior C teen Westering **(w)**
 Tennis: Senior D teen Diaz **(t)**
- Wo – 31 Julie : Junior Koor : **07:30 tot 08:00**
 Klerewinkel : **12:00 tot 14:00**
Despatch Kunsfees
 Rugby : 0/9A teen Cotswold **(t)**
 Rugby : 0/11A teen Grey 0/10A **(t)**
 Rugby : 0/11B teen Grey 0/10C **(t)**
 Rugby : 0/13A teen Grey 0/12A **(t)**
 Rugby : 0/13B teen Woodridge B **(w)**
- Do – 1 Augustus : ***Juffrou Veronica de Lange verjaar**
 Senior Koor : **07:25 tot 08:00**
Despatch Kunsfees
 Netbal : 0/9A teen Setlaarspark **(w)**
 Netbal : 0/10A teen Setlaarspark **(t)**
 Netbal : 0/11A teen Setlaarspark **(t)**
 Rugby : Verkenner 0/13-toernooi: LNP teen Verkenner **(t)**
- Vr – 2 Augustus : Klerewinkel: **07:30 tot 12:00**
 Junior Koor: **07:30 tot 08:00**
Despatch Kunsfees
 Skaak: LNP Snr. teen Lorraine **(w)**
 Skaak: LNP Jnr. Charlo **(t)**
- Sa – 3 Augustus : **Verkenner: Bulletjies+Blommetjies-sportdag – 0/7 en 0/8**

SPORT EN KULTUUR

BLANCO 0/13-TOERSPAN : NETBAL

DATUM	SPAN	TEEN	UITSLAE
19 Julie	0/13A	Blanco	LNP wen 22 – 11

RUGBY

DATUM	SPAN	TEEN	UITSLAE
24 Julie	0/11B	Herbert Hurd	LNP verloor 0 – 37

RUGBY : VERKENNER 0/13-TOERNOOI

DATUM	SPAN	TEEN	UITSLAE
25 Julie	0/13A	Kabegapark	LNP verloor 0 – 34

NETBAL

DATUM	SPAN	TEEN	UITSLAE
25 Julie	0/9A	Charlo	LNP wen 8 – 5
25 Julie	0/10A	Charlo	LNP verloor 2 – 9
25 Julie	0/10B	Charlo	LNP verloor 2 – 8
25 Julie	0/11A	Charlo	LNP verloor 6 – 8
25 Julie	0/11B	Charlo	LNP wen 6 – 2
22 Julie	0/7A	Charlo	LNP verloor 0 – 2
22 Julie	0/7B	Charlo	LNP speel gelykop 0 – 0
22 Julie	0/8A	Charlo	LNP wen 5 – 0
22 Julie	0/8B	Charlo	LNP wen 2 – 0
22 Julie	0/13A	Charlo	LNP verloor 5 – 25
22 Julie	0/13B	Charlo	LNP verloor 3 – 8
22 Julie	0/12A	Charlo	LNP verloor 4 – 15
22 Julie	0/12B	Charlo	LNP verloor 1 – 12

TENNIS

DATUM	SPAN	TEEN	UITSLAE
23 Julie	Senior A	Clarendonpark A	LNP wen met 8 potte
23 Julie	Senior C	Charlo	LNP verloor met 4 potte
23 Julie	Senior D	St. Joseph's	LNP wen met 2 potte

SKAAK

DATUM	SPAN	TEEN	UITSLAE
19 Julie	LNP Senior	Brylin Learning Centre	LNP wen 6.5 – 0.5
19 Julie	LNP Junior	Mount Pleasant	LNP verloor 2.5 – 4.5

OP-RUGBYPROEWE : 0/12

Baie geluk aan Büchner Ferreira wat na die volgende rondte OP-proewe wat op 16 – 17 Augustus te Bergsig Spesiale skool plaasvind, deurgedring het. Baie sterkte, Büchner!

OOS-KAAPSE JEUGKOOR

Sion Steyn in graad 2D is gekeur om deel te wees van die Oos-Kaapse Jeugkoor vir 2024. Hartlik geluk, Sion!

SOKKER

Wian Floor (graad 4S) en Aaron Nortier (graad 5D) het verlede naweek weer aan sokkerliga-wedstryde deelgeneem en die uitslae is as volg:

12 Julie 2024 – Callies Highlander vs Callies Lionhearts: 1 – 5 verloor teen Lionhearts.

17 Julie 2024 – Callies Highlander vs Hearts Hawks: 3 – 1 gewen en deurgedring na die kwarteindrondte

21 Julie 2024 – Callies Highlander vs Hearts Bomsquad: 2 – 0 gewen (Aaron was vir die wedstryd kaptein) en deurgedring na die semi-finale rondte. Die top 2 spanne in die PEFA-liga is Callies Lionhearts en Old Grey Jaguars en die Callies Highlanders sal teen een van hierdie twee spanne hierdie naweek te staan kom. Baie sterkte, manne!



SKAAK: KAREN ASHWORTH CHESS BATTLES-TOERNOOI

Ons sê geluk aan die volgende leerlinge wat Laerskool Newtonpark se naam op 19 tot 20 Julie by die "Karen Ashworth chess battles" hoog gehou het:

Lika Hanekom (graad 7D)
Ruan Hanekom (graad 3B)
Ruan Heneke (graad 7D)
Amelie Kapp (graad 2A)
Sebastian Kapp (graad 6H)

- Ruan Hanekom in graad 3B het tweede in afdeling D geplaas waar hy 5 van sy 6 wedstryde gewen het. Hy het 'n silwer medalje ontvang. Baie geluk, Ruan!
- Sebastian Kapp in graad 6H het derde in afdeling A vir deelnemers van 0/14 en ouer met 'n FIDE gradering van 1500 punte en hoër gelyk. Baie geluk, Sebastian!
- Amelie Kapp in graad 2A het derde in afdeling C vir deelnemers van 0/10 en jonger met 'n FIDE gradering laer as 1500 gelyk. Baie geluk, Amelie!



TOMBOLA
Hierdie jaar gaan ons groot!

Wat is 'n basaar sonder 'n tombolatafel?
Ons soek asb enige bydraes vir die tombolatafel.

Kyk asseblief in u huis of daar enige iets is wat u nie meer gebruik nie en wat 'n kinder-en ouerhart kan bly maak.

Dit is nou jul kans om van al jul 'wit olifante' en 'meskien' kry ek dit later nodig' items ontslae te raak.

Byvoorbeeld:
Ou speelgoed, skryfbehoeftes, kinderboeke, lekkergoed, teddies, juwele, ornamente, meubels, kunswerke, kombuisgoedere, bv. ongebruikte werkende toebehore, breekware, werkende toerusting, ens.

Stuur dit asseblief voor of op Maandag, 2 September 2024 skool toe.

Baie dankie vir u hulp!!

OOV